



Eamiálbmotgielaid riikkaidgaskasaš logijagi 2022-2032 nationála doaibmaplána

Duogáš

Jagi 2019 julggaštii ON válndočoahkkin resolušuvnnas (A/RES/74/135) dan, ahte áigodat 2022–2032 lea Eamiálbmotgielaid riikkaidgaskasaš logijahki (IDIL 2022–2032), ON eamiálbmotáššiid bissovaš foruma ávžuhusa vuodul. IDIL 2022–2032 ulbmilin lea oainnusmahttit eamiálbmotgielaid duoðalaš dili, ja mobiliseret eiseválddiid ja eará berošteaddjijoavkkuid suodjalit, ealáskahttit ja ovddidit eamiálbmotgielaid. Gielda- ja guovlodepartemeanta ja Sámediggi leat válljen aktiivvalaččat searvat IDIL bargguide.

Jagi 2021 ráhkadedje eamiálbmogat ja nationálastáhtat ovttas UNESCO:in oktasaš málmmiviidosáš doaibmaplána eamiálbmotgielaid riikkaidgaskasaš logijagi várás ([The Global Action Plan of the International Decade of Indigenous Languages](#)). Dán málmmiviidosáš doaibmaplána mihttun lea očodit nana málmmiviidosáš ovttasbarggu, nannen dihtii eamiálbmogiid ja eamiálbmotgielaid. Málmmiviidosáš doaibmaplánas ávžuhuvvo ráhkadir nationála doaibmaplánaid mat mearridit nationála vuoruhemiid ja láhčet dili logijagi doaimmaide.

UNESCO lea IDIL 2022–2032 cállingoddi, ja logijagi barggu stivre *Global Task Force for Making a Decade of Action for Indigenous Languages* (GTF), mas stáhtat ja eamiálbmotovddasteaddjít leat mielde. GTF galgá doaibmat riikkaidgaskasaš stivrenmekanisman, sikhkarastin dihtii ahte buot berošteaddjijoavkkut sáhttet searvat riikkaidgaskasaš logijahkái, ja galgá maiddái bagadit doaimmaid ráhkaneami, plánema, implementerema ja čuovvuleami hárrái, globála doaibmaplána ulbmiliid vuodul. Norgga beale Sámediggi ja Gielda- ja guovlodepartemeanta leat ovddastuvvon GTF:s.

Ulbumil

Sámediggi ja Gielda- ja guovlodepartemeanta leat ovttas ásahan nationála ovttasbargoforumia IDIL 2022–2032 várás. Forumis leat ovddasteaddjít iešguđetge sámi ja eará relevánta ásahusain ja organisašuvnnain. Nationála ovttasbargoforum galgá láhčit dili ja oktiiveivehit IDIL 2022–2032 ángiruššama ja čalmmustahtima Norggas.

Ovttasbargoforum galgá váikkuhit dasa, ahte sámegielat leat lunndolaš oassin Norgga servvodagas, ja ahte addojuvvo vejolašvuhta *oaidnit, gullat, oahppat* ja *geavahit* sámegielaid árgabeaivvis. Iešguđetge giellaservvodagain leat iešguđetlágan gielalaš dárbbut, ja danin dárbbašit iešguđetlágan doaibmabijuid. Ovttasbargoforum galgá láhčit dili nu, ahte buot sámi giellaservvodagat sáhttet searvat logijagi bargguide. Dáid bargguid ulbmilin lea veahkkin loktet sámegielaid.

Nationála doaibmaplána galgá doaibmat giellalogijagi barggu strategalaš rámman, mas mihttun lea seailluhit, oainnusmahttit ja ovddidit sámegielaid Norggas. Doaibmaplána váldomihtut bisuhuvvojut olles logijagi ángiruššama áigge, muhto vuollemehtuid sáttá ovttasbargoforum rievdadit daðistaga logijagi áigge. Ásahusat ja organisašuvnnat mat leat ovddastuvvon nationála ovttasbargoforumis, galget čuovvulit nationála doaibmaplána ja váikkuhit dasa ahte doaibmaplána mihtut ollašuvvet.



Mihtut (OAINIT, GULLAT, OAHPPAT, GEAVAHIT)

OAINIT ja GULLAT

Váldomihttu: *sámegielat galget oidnot ja gullot servvodagas*

Vuođuštu: Sámegielat gullet Norgii. Mii hálidot ahte sámegielat galget oidnot ja gullot miehtá riikka. Dás lea árvu sihke giellageavaheddjiide, ja maiddái majoritehtaálbmogii. Sámegielat leat dehálaš oassi Norgga kultuvrras. Sámegielaid gáhttema ovddasvástádus gullá olles servvodahkii.

Vuollemihtut (mii bargat dan ovdii)

- Lasihit lágidemiid sámegielaid birra ja sámegillii
- Oainnusmahttit ja geavahit sámi báikkiid ja ásahusaid namaid
- Ahte eanet almmolaš orgánat barget IDIL ulbmiliin
- Nannet sámi mediafálaldaga
- Čájehit Norgga IDIL-ángiruššama

OAHPPAT

Váldomihttu: *oahpahusfálaldat sámegielas ja sámegillii nannejuvvo*

Vuođuštu: Lea stuorra hástalus go oahpput geat ožžot oahpahusa sámegielas ja sámegillii, eai šatta sámegielagin. Jus galgá suddjet ja ovddidit sámegielaid, de ferte oahpahusfálaldagas leat buorre kvalitehta.

Vuollemihtut (mii bargat dan ovdii)

- Ahte mánáid ja nuoraid oahpahusfálaldat buorrána
- Buoridit oahpporesurssaid olámuttolašvuoda sihke mánáidgárddiin ja skuvllain.
- Buoridit rávisolbmuidoahpahusa
- Ahte eambbosat váldet alitoahpu sámegielain
- Ahte eambbosat šaddet oahpaheaddjin ja jotket bargat oahpaheaddjin
- Eanet ovttasbargat Suomain ja Ruotain oahpahusfálaldagaid hárrái sámegielas ja sámegillii
- Oččodit eanet ohppiid sihke vuodđoskuvlii ja joatkkaskuvlii
- Ahte buohkat geat orrot Norggas, galget máhttit dadjat ovttaskas sániid ja cealkagiid muhtun sámegillii

GEAVAHIT

Váldomihttu: *sámegielat galget sáhttit geavahuvvot buot servvodatarenain*

Vuođuštu: Seailluhan, ealáskahttin ja ovddidan dihtii sámegielaid, lea dehálaš ahte dat geavahuvvojit máŋgga iešguđetge sajis.

Vuollemihtut (mii bargat dan ovdii)



- Doaibmaplánat sámegiela geavaheapmái dain ásahusain ja organisašuvnnain maid mii ovddastit
- Stimuleret sámegiela ja sámi giellateknologalaš reaidduid geavaheami olles servvodagas
- Ahte ráhkaduvvo dakkár giellateknologijja mii dahká vejolažän geavahit sámegiela
- Ahte giellateknologijja mii ráhkaduvvo, lea olámuttus buot giellageavaheddjiide
- Ahte gávdnojit digitála čovdosat maiguin sámegiella šaddá olámuddui